

天津府志卷之四

形勝疆域志

郡帶山瀕海為

盛京之唇齒樹畿南之屏藩固

昭代重地也推之上古燕齊遼宋此實分疆至曹袁角  
逐於前符石分爭於後希禹滔泚藉為門庭顯德  
關南烽火頻舉不特劉高為豆子毓之聚而已戰  
國甚誇燕青形勝未免排闥餘風然而陰陽流泉  
詩實志之則形勢之要也矧當

聖朝設府置防之後地利聿彰而畿封道里尤須著明

天津府志

卷之四 形勝

二

以昭一代都會之盛志形勝疆域

形勝

東環大海西眺瀛滄枕漳衛之長流倚盧白之重

阻北瞻京邑居然屏翰南俯登萊似列几筵天津衛

壁記

地當九河津要路通七省舟車天津衛學記

千淀歸墟百川赴壑輸將孔道商賈通津天津衛志

海口濶六七百步計深八九丈自三女砦以西濶

四百步深五六丈此天所以限契丹也宋河渠志

水路要衝元史

天津一衛城耳然直輦轂之東南地鄰風雨之交  
扼川途之衝要渣衛衆流所潑滙九州萬國貢賦  
之艘仕宦出入商旅往來之帆楫莫不棲泊於其

境 李棠重修天津衛儒學記

水沿青海陸走黃塵吳楚艤舳風四轟 重修天津衛學

碑記

天津當九河下稍斥鹵不毛軍民商賈雜遝為畿

南第一要鎮 天津武廟碑記

瀛海密邇甸輔控永薊通河諸郡邑其寰宗各鎮

為切近扃鑰 重修閩武廳碑記

天津府志

卷之四 形勝

二

天津為衛去

神京二百餘里當南北往來之衝京師歲食東南數

百萬之漕悉道經于此舟楫之所式臨商賈之所

輻輳五方之民之所襍處皇華使者之所銜命以

至賢士大夫之所報命而還者亦必由於於是名雖

為衛實則一大都會所莫能過也 天津衛志序

北瀕衛河東繞潞河為京師東面之巨鎮 方輿紀要

一統志云河經武垣之北九河之會五壘之居東

瀕滄海西麓太行南枕滹沱北背高河地勢廣濶

天津衛志

清州燕齊之交元清州高氏碑記

中山傑豎衛水滌泗清州志

青地四會五達實為要衝同上

密邇三津作海防之門戶往來萬軸綰漕運之咽喉

喉靜海縣志

靜邑襟海帶河方今東顧青海揚波天津重鎮界

邑封內北拱

盛京南通省會同上

滄州東自滄海西通燕趙南接齊魯北拱

神京昔為邊關門戶今為漕運咽喉勃海之間一都

天津府志

卷之四形勝疆域

三

會滄州新志

當水陸之要衝為勃碣之門戶同上

九河之會五壘之居太平寰宇記

擅五壘之雄攬九河之勝南皮縣志

篋山奔峭以連城勃海翻瀾而近郭蓋山縣志

壤分紫甸境接青齊慶雲縣志

疆域

府治

畿輔通志府在

京師東南二百五十里東一百里至海西三百八十里

里至河間府獻縣界南四百二十里至山東武定州樂陵縣界北三十三里至順天府武清縣界東南四百二十里至山東武定州樂陵縣界西南二百三十里至河間府大城縣界東北五十里至順天府寶坻縣界西北五十里至順天府武清縣界東西廣一百八十里南北袤一百三十里

天津縣

附郭

畿輔通志東一百里至海西二十五里至靜海縣界南三十五里至靜海縣界北三十五里至順天府武清縣界東南一百一十里至海西南二十里至

天津府志

卷之四

疆域

四

靜海縣界東北七十五里至順天府寶坻縣界西北五十里至順天府武清縣界東西廣九十里南北長七十五里

按縣冊稱東至海一百一十里西至順天府霸州界九十里南至滄州界六十里北至順天府武清縣界三十八里東南至海一百一十里西南至河間府治二百一十里東北至順天府寶坻縣界五十里西北至武清縣治三十里又云東至寶坻縣界六十里西至靜海縣界三十里南至靜海縣界三十八里北至武清縣界三十八里東南至海一

百一十里西南至靜海縣治四十七里東北至寧  
坻縣五十里西北至武清縣治三十里與通志  
有異同特脩載之以見請正疆域前後不同如  
青縣

畿輔通志在府西南一百六十里東四十里至靜海  
縣界西二十七里至順天府大城縣界南九十里  
至滄州界北五十里至靜海縣界東南三十里至  
滄州界西南七十里至河間府交河縣界東北四  
十五里至靜海縣界西北四十里至順天府大城  
縣界東西廣六十七里南北袤一百四十里

靜海縣

畿輔通志在府西南七十五里東一百六十里至海  
西四十里至順天府大城縣界南四十里至青縣  
界北六十里至順天府武清縣界東南七十五里  
至滄州界西南九十里至青縣治東北七十五里  
至順天府武清縣界西北一百二十里至順天府  
霸州治東西廣二百里南北袤一百里

滄州

畿輔通志在府治西南二百四十里東一百三十里  
至海西一百步至衛河青縣界南三十五里至南

皮縣界北四十里至青縣界東南一百里至山東武定州樂陵縣界西南七十里至河間府交河縣界東北一百八十里至府治西北七十里至府治東西廣一百三十三里南北袤七十五里

南皮縣

畿輔通志在滄州西南七十里東五十里至滄州界西二十里至河間府交河縣界南五十里至河間府寧津縣界北三十五里至滄州界東南七十里至山東武定州樂陵縣界西南十五里至河間府東光縣界東北七十里至滄州治西北一百四十

天津府志

卷之四 疆域

六

里至河間治東西廣七十里南北袤八十五里

鹽山縣

畿輔通志在滄州東南九十里東六十里至山東武定州海豐縣界西二十里至滄州界南四十里至山東武定州樂陵縣界北六十里至滄州界東南三十里至慶雲縣界西南一百二十里至河間府寧津縣治東北一百二十里至海西北二十里至滄州界東西廣八十里南北袤一百里

慶雲縣

畿輔通志在滄州東一百六十里東三十里至山東

武定州海豐縣界西二十五里至鹽山縣界南三十里至山東武定州陽信縣界北十五里至鹽山縣界東南三十五里至山東武定州陽信縣界西南二十里至山東武定州樂陵縣界東北二十里至山東武定州海豐縣界西北六十里至鹽山治東西廣四十五里南北袤四十五里